



Publicaziuns dalla vischnaunca, jamna 5

Damondas da baghegiar

2018-1003.000

Datum dalla publicaziun: 2 da fevrer 2018

Il patrun: Rico e Rosmarie Duff-Albin, Via Vallars 9, 7186 Segnas

Il representant: Rico Duff-Albin, Via Vallars 9, 7186 Segnas

Object: Niev suttetg d'autos sin parcella 2224, via Vallars 9, 7186 Segnas

2018-1004.000

Datum dalla publicaziun: 2 da fevrer 2018

Il patrun: Vischnaunca Disentis/Mustér, Via Cons 2, 7180 Disentis/Mustér

Il proprietari: Matterhorn Gotthard Bahn, Bahnhofplatz 7, 3900 Brig

Il representant: huonder bisquolm architects sa, Via da Scola 18, 7180 Disentis/Mustér

Object: Niev baghetg pil menaschi dil santeri, stabiliment per la rimnada da rufids «moloc», parcella 604, Via Sontga Gada, 7180 Disentis/Mustér

- Il plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Taglia da tgauns 2018

Cunquei che mintga tgaun sto esser marcaus cun in microchip, basegna ei dapi dus onns buca pli la marca da tgauns dalla vischnaunca.

Il possessurs da tgauns retscheivan directamein in quen cun la taglia da tgauns. Quella munta pigl'emprem tgaun a 120 francs e per mintga ulteriur tgaun ella medema casada a 180 francs per onn. Tgauns da polizia, tgauns da lavinas sco era tgauns per tschocs e suords ein deliberai dalla taxa.

Adatg!

Possessurs ch'acquistan da niev in tgaun ein vinavon obligai da vegnir enteifer 30 dis persunalmein al spurtegl dall'administraziun communal per cumprovar la registraziun dil microchip. Il conto sin la plattafurma da datas Amicus vegn endrizzaus entras l'administraziun communal. Mintga possessur d'in tgaun ei obligaus da registrar acquisti, surdadas, mortoris ed exports egl'exteriur d'in tgaun.

Administraziun communal

Alarm d'emprova 2018

Tenor communicaziun digl'uffeci da militar e da protecziun civila dil Grischun ha liug en l'entira Svizra **mesjamna, ils 7 da fevrer 2018,**

allas 13.30/13.45 alarm general

allas 14.15/14.50 alarm d'aua

Ei setracta d'alarms d'emprova tier ils quals ei vegn examinau d'ina vart sche las sirenas funcziuneschan e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal alarm general ha in tun che crescha e sbassa e cuoza ina minuta.



Aschinavon ch'il signal alarm general avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar radio, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15 ed allas 14.50. In tun bass interruts regularmeins che cuoza sis minutas. La populaziun sto interpretar neginas mesiras. Igl alarm d'aua vegn ins ad udir mo el territori nua ch'ei sesanflan lags da fermada. Dils plans cul territori periclitau sa vegnir priu investa tier l'administraziun communal. Aschinavon ch'il signal alarm d'aua avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau. Ulteriuras indicaziuns e reglas ein d'anflar sin teletext, pagina 680 ed era egl internet www.sirenentest.ch. Bien engraziament per Vossa capientscha.

Suprastonza communal Disentis/Mustér

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischn! Pli-navon daventan ils donn cun mintga minuta spiarsa pli gronds. Perquei s'adrebbein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engrazi per Vies sustegn!

Vos pumpiers Sursassiala

Invitaziun Seniors-Ca

Gievgia, ils 8 da fevrer 2018 dallas 13.45–16.00 en Puntreis. Impressiuns en dias/video dil viadi en Nepal da Paul Duff, Segnas.

Meisa da miezdi organisada da Seniors-Ca e Puntreis

Entschatta: allas 12.15 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56)

La meisa da miezdi ei aviarta per mintgin/a.

Post d'informaziun Seniors-Ca

Uniun da dunnas Disentis/Mustér

Scursalada pils affons pigns cun viseta dil snowli

La gruppa dil ressort affons envida tut ils affons entochen quater onns ensemen cun lur mummas ni era babs e fargliuns ad ina scursalada comunabla sil Sax. Silsuenter vegn offeriu in pign sitg el tipi. Prendi vossa scarsola ni vies bob sut bratsch e cun empau cletg survegn era vies affon regalau ina pintga sorpresa dil snowli.

Datum: **Venderdis, ils 16 da fevrer 2018**

Sentupada: allas 14.30 sper il restaurant Sax

Annunzia: P. pl. s'annunziar entochen ils 14-2-2018 tier Darinka Cajacob, 076 471 83 18
